

輝縣知縣黔筑調際華石藩纂修

志餘

軼事

殷

河南通志云斷脛河一名太和泉亦名陽河源出輝縣東流經淇縣界入衛河紆斷朝涉之脛於此故名輝縣泉源甚多但文獻無徵豈宜臆斷姑記於此以俟博洽者 府志云源出淇縣西北三里

晉

玉川子謂氣激於喉中而濁謂之言激於舌而清謂之

輝縣志

卷二十

志餘 軼事

一

嘯蓋出其言善千里應之出其嘯善萬靈受職斯古之學道者哉續有晉太行山仙君孫公獲之乃得道而去無所授焉阮嗣宗得少分其後湮滅不復聞矣嘯有十五章起權輿至正畢有十二法曰外激曰內激曰含曰藏曰散曰越曰大沉曰小沉曰疋曰叱曰五太曰五少其第十一蘓門章曰蘓門者仙君隱蘓門所作也述廣成務光以陶性靈以演大道非止以成聲音作程品也其音美暢如鸞鳳之響晉阮嗣宗善嘯聞仙君以為已若往謁焉仙君方披髮兀坐籍再拜而請之順風而請者三承風而請者再仙君神色自若竟無所對籍因長嘯數十聲而去仙君料籍固未遠因動清角而嘯至四

五音聲籍但覺林巒草木皆有異響須臾飄風暴雨忽至已而鸞鳳孔雀繽紛而至不可勝數籍既懼又喜而歸因傳寫之十得其二謂之蕪門嘯旨今之所傳者是也深山大澤極高極遠宜爲之先發五太五少沉激內外一十二法備舉方稍得蕪門之旨矣 都元敬跋謂是書人間罕傳書序謂王母授南極真人真人授廣成子其說誕妄不經惟十有二法及載孫登阮籍則誠得嘯之旨者序又謂登無所授而籍之後湮滅無聞予嘗以使事道經蕪門訪孫阮遺迹思鸞鳳之聲不可得聞爲之快悒夫人之聲卽天地之聲也人有古今而聲無古今是書旣行安知山林之下無孫阮者出然則豈終於湮滅而無聞也哉

蕪縣志

卷二十

志餘 軼事

二

唐

昔唐開元間有巨媪生三女孟曰光仲曰威季曰哀俱未適人而死後皆爲神孟治戊巳兼蠶繅仲治庚癸兼嗣續季治畢箕兼疹疫精靈如響人多祀之石門有三仙祠

羅公遠善隱形尤多祕異之術明皇秋晏取杖向空擲之爲大橋遊月宮明皇求其術終不授明皇怒命高力士壓殺之瘞於後苑後中使自蜀還道逢公蓬手携一履謂中使曰上之戲亦何虐也他日成都候駕中使以其事奏上疑其怪發塚視之止有一履明皇後幸蜀

見公遽於途召之忽不見上乃改葬其柩今南雲門社其墓尚存

宋

布袋佛像石刻在城內天王寺宋崔白畫蘓軾題記
昶公字圓明自幼穎悟住持白茅寺今名白雲寺悠然自如纖塵不染達人高士皆愛與之遊一日策杖閒遊謂其徒曰寺東山塢間修篁古柳異於他境乃吾棲真之所已而默坐示寂如其言

康衛侯世傳呂氏隱於石門遇三仙成道宋宣和七年勅封康衛侯

元

輝縣志

卷二十

志餘 軼事

三

邱處機字通密號長春子寓居蘓門與劉處元譚處端二人同學世祖召見每言爲治在敬天勤民長生在清心寡欲世祖然其言命左右書之時元兵蹂踐中原河南北尤甚處機使其徒持牒招之得更生者無慮數萬今遺蹟有三仙洞弁元建集仙資福宮俱存

秦十一元資村里南社人早孤養母劉氏元末兵至母日失明十一負母携妻子避兵於山時子方三歲母得食常哺之十一謀於妻曰今兵荒餓食母餐不飽莫若棄兒幸得母全兒不足惜妻從之遂棄兒負母避處險阻採食爲養事定乃歸

明

常 森關村三里人事親至孝母病服藥無效森割股奉母病卽愈宏治三年父病森又割股奉之病亦愈

張 通山陽東社人母病七日不食通禱於神願以身代藥醫不痊遂割股奉母疾果瘳知縣劉玉獎之

崔 淮河東一里人事親至孝孀母無嗣事之如母終以禮葬兄病醫療不痊禱神割股啖之病果愈知縣劉玉獎之

玉獎之

吳 奇篤於事親母疾奇焚香祝天願損年益母暨飲食不入乃潛割臂肉爲饌母夢一老人謂曰汝啖扁食十枚可得壽十年覺而異之如其言後果驗已而父病又割肉以進病亦愈知縣郭淳呂光化張一通皆以禮

輝縣志

卷二十

志餘 軼事

四

獎之提學副使李汶表其門

嘉靖年間椒山以忤奸嵩在獄人莫敢近時梅軒冀公爲刑部郎官獨極力周旋椒山契重其人作梅花長歌親書卷帙以贈其詩云江南有梅不見雪冀北雪多梅花稀惟有中州風正好梅花晴雪相映輝孤根深托雲石裏天與清香豈偶爾不向春光藉豔陽寧隨上苑爭桃李老幹雲鋪翻助清層冰萬丈影極明幽姿皎皎絕塵埃瑟瑟逼人冷氣生萬樹叢中呈淡妝百花頭上吐鮮芳翛然遠嶠輕風起吹落乾坤草木香一枝潔素羞粉白娟娟身姬着新裳一枝黃蕊梁園發攢金綴粟色微芒一枝朱萸丹煥骨錯認天桃帶曉香一枝紫蕊

初破曉霞飛落緋衣傍。一枝同心並蒂開。晴沙酣睡雙
鴛鴦。疎影籠月。瘦骨插天。硬梢穿石。枯隙含烟。鶯蝶不
相識。風雨更偏妍。水葩凍蒂應難落。一任淒涼羌管弄
前川。古瘦清香原太始。品題羣花更無比。一段幽閑惟
自知。豈容俗眼窺紅紫。羨君孤梗絕塵俗。梅花如人人
如玉。得意移來軒後栽。松竹交映。懣中曲。樽酒相看花
無語。似促早上金門去。商家正須和羹材。休爲花神滯
野豔。花落結實調鼎春。烹來端可薦椒宸。願君分種千
萬山。以解蒼生萬斛之渴塵。

邑令張禹型先生大節如日星河嶽而又善詩工書東
石河古剎中存一方外冊頁內有公七古一章詩句清

輝縣志

卷二十

志餘 軼事

五

新書法適麗因護以木匣合僧會司敬謹存貯

寓宦孟氏原籍杞縣與劉文烈公同里公書杜詩一幅
贈之題爲秋日過孟氏兄弟朴中帶巧想見前輩風趣
書法堅蒼飛舞當與其人並壽天壤

國朝

王家珍字秀玉直隸容城人以選貢任山西朔州知州
遇姜襄之變不屈死順治十一年

贈朝議大夫山西布政司參議應子入監讀書時其子福吉尚

幼從伯父家琛寓輝早故其胞姪邑庠生德馨建祠於
輝蒙 學憲劉批准德馨子世位爲奉祀生

孫徵君偶記西山白雲寺明末文安縣諸生王珣題

於此依法林長老數十年無有知者其子王原以生不識父爲恨甫受室卽別母尋父旣數年歷盡艱苦得遇於此寺號泣挽歸見明史孝義傳 又朱孝子重暉粵西桂林人其父明末筮仕京邸兵戈阻隔者二十年順治丙申重暉跋涉七千里尋父亦遇於此寺與王孝子事同緣是遠近皆知有白雲寺之名地以人傳詎不信哉

夏峯先生輯其友高陽孫文忠公定興鹿忠節公書爲卷而題其上曰北地雙忠并係以跋高陽筆意開展定興筆意瘦勁至夏峯則古道照人如商周法物華岳三峯令人望而生敬

輝縣志

卷二十

志餘 軼事

六

尹爾韜號芝僊浙江山陰縣人宋儒尹彥明之後精音律明崇禎間官武英殿中書帝處之左右每彈琴至精妙處帝不覺擊節曰僊乎僊乎因號芝僊明末遊寓蘓門徜徉山水志行高潔力敦古道孫徵君極重之樂與爲友所著有微言秘旨子域汲縣庠生

孫用正劄記康熙二十八年己巳江西南康縣孝子楊汝貞年十二歲當逆藩之變被擄荆襄其母擄至江北托身於輝民李新時時痛念其子汝貞亦自荆襄逃歸徒跣尋母至輝得遇其事與王原朱重暉同又邯鄲武氏隨夫避荒蘓門夫死氏自縊以殉數人者雖不籍於輝而事皆著於輝表而出之亦可以風矣又記曰關氏

化時姑蘓劉欽謨諱昌督學中州輯有元季明賢文表
分內外正雜四集所輯錄之賢則許文正公衡姚文獻
公樞馬文正公祖常許文忠公有壬王文定公惲魯文
靖公翀也此書當時人罕見金陵黃俞台家有藏本余
嘗及見之因於百泉書院有關附錄於此以告吾輝之
有志者

孫用柔字濟剛性至孝甫成童卽荷入口之任父病沉
痾身親藥餌時當歲歉炊烟累絕父歿拮据謀喪奉父
柩歸葬容城復走蘓門事大父母越七月大父亦病割
股以代藥不令人知顏色日瘁腰脇僂偻母叩之以瘡
對探之始得其狀大父病不起又百計營葬竟以哀毀

輝縣志

卷二十

志餘 軼事

七

死年僅三十一

李 貞字蕃生性至孝母病貞坐榻前三月不解帶後
病篤藥餌罔效聞人言割股可醫貞默禱於神割股以
進母遂愈其父病危醫謂糞苦乃可活貞取糞嘗之味
苦後漸愈

李延齡字西軒邑增生其父李時芳病篤籲天願以身
代湯藥罔效割股以進

孝女張氏任村張仲相女未出閨其母病故女悲痛成
疾稍愈父病危無子可恃女割股煎湯與父食之即愈
有司表其門

紀異

齋來山在縣西北五十里相傳自海上飛來與太行角
崇卑至則慙而止神人拔簪插其頭遂不能去今鐵簪
尚存搖之則動舉之不起

仙人跡在藕門山西岑大方石上有仙人跡三字其詳
無考石旁小字磨滅不可識辨

絡絲潭卽黑麓潭淵深無底好事者以絲垂探之百丈
未已

草市斜陽在縣西北五里馬家橋南方里許芳草暢茂
日不正午蓋山勢使然

聖井在長春觀東北一名扳倒井水味甘冽崖上有手
膝痕俗傳有異人俯飲於此大旱不涸禱雨輒應

輝縣志

卷二十

志餘 軼事 紀異

八

石鏡在中湖寺嵌於寺西廟門色黝墨有光遠望純黑

逼視則隔溪山石樹木禽鳥畢現歷歷可觀傳培梧採訪

九聖祠在縣西南九聖營邑人藺公生九女俱不適人

孝養父母親歿以家貲建橋於村南橋成皆投水死邑

人立廟肖像祀之

異棗在九聖祠內高五丈餘圍可丈二奇姿磔砢相傳

唐時所植王潯採訪

歷城明翰林王公勅字雲芝成化甲辰進士及第第三

人爲諸生時讀書卧牛山寺夜見地有火光發之得石

匣匣中書二冊讀之遂能知未來休咎生平異事甚多

官河南督學時行輝縣山中忽下輿拜曰丈乃在此命